



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **BOSANSKO PODRINJSKE NARODNE STRANKE**

Broj: 03-07-6-864/08
Sarajevo, 14.01.2009. godine

SADRŽAJ

| | |
|--|---|
| MIŠLJENJE REVIZORA | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS PREGLEDA I KONTROLE FINANSIJSKOG IZVJEŠTAJA..... | 5 |
| Predmet pregleda i kontrole..... | 5 |
| Cilj pregleda i kontrole | 5 |
| Obim pregleda i kontrole..... | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE..... | 6 |
| 5.1. NALAZI | 6 |
| 5.2. P R E P O R U K E :..... | 7 |

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Bosansko Podrinjske narodne stranke** za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Bosansko Podrinjska narodna stranka je prekršila odredbe člana 5. stav (1) i člana 8. stav (1) Zakona o finansiranju političkih stranaka, jer je u 2007. godini primila prilog iznad zakonom dozvoljenog limita i primala je priloge koje su zabranjeni političkim strankama.**
- 2. Stranka nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka**

Na osnovu našeg pregleda, odnosno kontrole finansijskog izvještaja, osim gornjih napomena pod 1. i 2. nismo zapazili ništa značajno što bi ukazalo na druge nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Bosansko Podrinjske narodne stranke za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosansko Podrinjska narodna stranke je iskazala prihode u iznosu od 9.350,95 KM, čija struktura je data u sljedećoj tabeli:

| Red.br. | Vrsta prihoda | Iznos u KM | Učešće u ukupnom prihodu % |
|---------|------------------------|------------------|----------------------------|
| 1 | Članarina | 470,00 | 3,15 % |
| 2 | Prilozi fizičkih lica | 120,00 | 0,8 % |
| 3 | Prilozi pravnih lica | 3.650,00 | 24,48 % |
| 4 | Prihodi od imovine | 0,00 | |
| 5 | Prihodi od pr.lica | 0,00 | |
| 6 | Prihodi od poklona | 5.500,00 | 36,88 % |
| 7 | Prihodi iz budžeta | 1.080,00 | 7,24 % |
| 8 | Ostali prihodi | 4.029,59 | 27,44 % |
| | Ukupni prihodi: | 14.912,59 | 100,00% |

U godišnjem finansijskom izvještaju Bosansko Podrinjska narodna stranka je iskazala ukupne rashode u iznosu od 8.662,00 KM.

2. PREDSTAVLJANJE POLITIČKE STRANKE

Naziv političke stranke: Bosansko Podrinjska narodna stranka. Skraćeni naziv stranke je BPNS. Politička stranka je registrovana 14.05.2002. godine kod Kantonalnog suda u Sarajevu pod brojem R-I-7/02.

Sjedište političke stranke je u Sarajevu, ulica Adema Buće bb.

Za zastupanje stranke u 2007. godini bio je ovlašten Seid Karić, predsjednik stranke. Osoba ovlaštena za podnošenje finansijskih izvještaja za 2007. godinu je Javorka Rejc.

Organizacionu strukturu BPNS, prema podacima iz finansijskog izvještaja, čine:

- Glavni odbor i
- 4 opštinska odbora¹

¹ Opštinski odbor Tuzla, Opštinski odbor Zenica, Opštinski odbor Goražde i Opštinski odbor Han Pijesak

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosansko Podrinjske narodne stranke za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Bosansko Podrinjska narodna stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka

Obim pregleda i kontrole finansijskih izvještaja Bosansko Podrinjske narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica i prihode iz budžeta.

4. PRETHODNE KONTROLE I REVIZIJE

U prethodnom periodu izvršeni su pregledi godišnjeg finansijskog izvještaja Bosansko Podrinjske narodne stranke za 2005. i 2006. godinu, nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 4. i člana 6. Zakona o finansiranju političkih stranaka i da finansijske izvještaje treba popunjavati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Realizovane preporuke:

U skladu sa preporukama iz izvještaja o pregledu Bosansko Podrinjska narodna stranka je preduzela određene korake te je u 2007. godini prijavila sve priloge, odnosno postupila je u skladu sa odredbama člana 4. i člana 6. Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka nije ispoštovala sve preporuke koje su date u izvještajima o pregledu finansijskih izvještaja za 2005. i 2006. godinu, odnosno postupila je suprotno odredbama: člana 5. stav (1), člana 8. stav (1) i člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda finansijskog izvještaja utvrđeno je da je Bosansko Podrinjska narodna stranka prekršila odredbe člana 5. stav (1) Zakona o finansiranju političkih stranaka.**²

Stranka je po osnovu korištenja poslovnog prostora bez naknade primila prilog u iznosu od 5.500,00 KM od pravnog lica „IMZIT“ Sarajevo, koji je veći od zakonom dozvoljenog limita za 416,00 KM.

- b) **Pregledom godišnjeg finansijskog izvještaja utvrđeno je da je Bosansko Podrinjska narodna stranka prekršila odredbe člana 8. stav (1) Zakona o finansiranju političkih stranaka.**³

- Stranka je od Ministarstva prostornog uređenja i zaštite okoliša Kantona Sarajevo na ime finansijske pomoći za održavanje okruglog stola na temu „Zašto se podrinjci ne vraćaju u Podrinje“ primila sredstva u iznosu od 3.000,00 KM. U skladu sa odredbama člana 8. stav (1) Zakona o finansiranju političkih stranaka navedena sredstva predstavljaju zabranjen prilog političkoj stranci.
- Stranka je zaključila ugovor sa Javnom ustanovom „Služba za zapošljavanje Kantona Sarajevo“ o zapošljavanju jedne osobe sa evidencije nezaposlenih kantona Sarajevo, u okviru realizacije programa „Posao za sve“. Za troškove plate osobe koja je u 2007. godini bila zaposlena u stranci ova javna ustanova je stranci isplatila sredstva u iznosu od 3.600,00 KM, što za stranku predstavlja zabranjen izvor finansiranja.
- Stranka je od Vodoprivrednog društva „Bosna“ d.d. kao javnog preduzeća primila prilog od 150,00 KM.

- c) **Stranka nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.**⁴

² Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2007. godini mogao je iznositi 5.040,00 KM

³ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

⁴ U skladu sa odredbama člana 11. stav (3) Zakona o finansiranju političkih stranaka, a prema kome stranka podnosi finansijski izvještaj u formi koju odobri Centralna izborna komisija, donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

- U finansijskom izvještaju stranke nisu navedeni, u skladu sa članom 15. Pravilnika o godišnjim finansijskim izvještajima političkih stranaka, identifikacioni brojevi pravnih lica koja su stranci dala priloge.
- Stranka je suprotno odredbama člana 13. stav (4) Pravilnika o godišnjim finansijskim izvještajima političkih stranaka u finansijskom izvještaju (na obrascu 3) kao ostale prihode iskazala sredstva koja je primila od Službe za zapošljavanje Kantona Sarajevo.

5.2. P R E P O R U K E :

Preporučuje se Bosansko Podrinjskoj narodnoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da postupa u skladu sa odredbama člana 5. stav (1), člana 8. stav (1) i člana 11. stav (3) Zakona o finansiranju političkih stranaka i to:*
 - *da svoje izvore finansiranja svede u okvire propisane Zakonom o finansiranju političkih stranaka,*
 - *da se ne finansira priložima koji su zabranjeni ovim Zakonom,*
 - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

Komentar

Bosansko Podrinjska narodna stranka se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji joj je dostavljen 12.12.2008. godine.

Mr. Hasida Gušić, šef Službe za reviziju - revizor